



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

2775

Quercus
subsericea G. & G.
leaf specimen

206

2-45

29

206

Ղ Ա Ր Ա Չ Ա Գ Է

Ա.

ԺԱՄԱՆԱԿԱԿԻՑ ՀԱՅ

ՏԻՐԱՅՈՒՆ

(Մի թնուցիկ տեսութիւն նրա բարոյական
և նիւթական վիճակի մասին)

«Ոչ ի կարծ ընդոտուցեալ և
ոչ ի լուր գարթուցեալ, այլ ևս
ինքնին անձամբ անդէն ի տեղ-
ւոջն պատասնցի և տեսի և
լուայ...»

Եղիշե.

206

-45

ԹԻՅԼԻՉ 1905

Էլեմենտար սպարտն «ՀՅՈՒՄՈՒՐ» Ընկ. Մոսկա. փող. 15
(101)

28

23 SEP 2009

ՂԱՐԱԶԱԴԷ

206

2-45

ա ջ

ԺԱՄԱՆԱԿԱԿԻՑ

ՀԱՅ ՏԻՐԱՑՈՒՆ

(Մի տեսութիւն նրա բարոյական և նիւթական վիճակի մասին)

библ. Паргев Баэяна

Купл. - 19 30 ր

ОТД. 29 № ~~486~~ 631



ԹԻՖԼԻՉ 1905

Էլեկտրոնային տպարան «ՀԵՐՄԷՍ» Հճկ. Մադրաք. փող., 15.
(101)

19.06.2013

2775

ՄԱՍՆԱԿԱԿԻՅ ՀԱՅ ՏԻՐԱՅՈՒՆ

ՄԱՍՆԱԿԱԿԻՅ ՀԱՅ ՏԻՐԱՅՈՒՆ

Дозволено цензурою. Тифлисъ, 18 Мая 1905 г.



MS 848

I.

Մօտ ժամանակներս լրագիրները հաղորդեցին այն ընդհանուր խնդրագրի մասին, որ Մոսկուայի համարեւ բոլոր օւղափառ գլխաւոր եկեղեցիների ստորին պաշտօնեաները*) ներկայացրել են սրբազան Սինօզին: Խնդրագիրը բաղկացած է երեք գլխաւոր կէտերից և ունի մօտ երեք հարիւր ստորագրութիւն:

*) Псаломщикъ—սաղմոսասաց, փոխասաց.

Առաջին կէտի մէջ նրանք պահանջու-
մ են, որ բոլոր եկեղեցական արդիւնքները բա-
ժանուեն եկեղեցու պաշտօնեաների մէջ այն-
պէս՝ որ փոխասացներին— նշանց թուի հա-
մեմատ—տրուի մէկ մէկ, սարկաւազին՝ եր-
կու և քահանային՝ երեք մաս, հակառակ
ներկայ չորս մասի: Այսպէս ուրեմն, նրանց
պահանջի համաձայն, արդիւնքը պիտի բա-
ժանուի եօթ մասի, փոխասացների թիւը
ընդունելով երկու հոգի: Մասնատրութեան
այս եղանակը աւելի շօշափելի դարձնելու
համար վերցնենք մի օրինակ:— Դիցուք որ
և է մէկ օրինակատարութիւնից ստացուել է
28 ր.: Բաժանելով այդ գումարը եօթը հա-
ւասար մասերի, կ'ստանանք չորս:— Այստե-
ղից պարզ է, որ իւրաքանչիւր մի փոխա-
սաց կամ, աւելի լաւ ասած, դպիր այդ
դէպքում ստանում է 4 ր., սարկաւազը՝ 8
ր. և քահանան 12 ր. այլ խօսքով՝ դպիրը
ստանում է քահանայի ստացածի $\frac{1}{3}$ մասը:

Երկրորդ կէտի մէջ պահանջում են, որ
դպիրների շաբաթական հերթակալութիւնն ևս
լինի եկեղեցիներում (երբ նրանց—դպրի—
թիւը երկու կամ աւելի է), ինչպէս որ այդ
գոյութիւն ունի նաև քահանաների մէջ, բա-
ցատրելով, որ իրենց աշխատանքը, իբրև

պաշտօնեայ, ոչ միայն թեթև, այլ և աւե-
լի ծանր է, քան այդ վերջիններինը:

Երրորդ կէտի մէջ դպիրները բողոքում
են այն անքաղաքավարի և մինչև իսկ ուղ-
ղակի կոպիտ վարմունքի դէմ, որ քահանա-
ներից շատերը թոյլ են տալիս ցոյց տալու
նրանց վերաբերմամբ:

Մի թուուցիկ հայեացք ձգելով մեր ե-
կեղեցական ստորին սպասաւորների դրու-
թեան վրայ այն երեք կէտերի նկատմամբ,
որ իրենց խնդրագրի մէջ առաջ են բերում
Մոսկուայի դպիրները, դեռ մի խորին նա-
խանձով միայն կարող է վերաբերուել դէպի
նրանց ներկայ տնտեսական ու բարոյական
կացութիւնը հայ տիրացուն, ուր մնաց՝ թէ
նորա համար մի հեռաւոր և միանգամայն
անիրագործելի երազ չ' թուայ կեանքի այն
բարենորոգութիւնը, որ նրանք են պահան-
ջում այժմ: Խնդիրը զուտ դասակարգային
բնաւորութիւն ունի և բողոքը շօշափում է
զլխաւորապէս նորա տնտեսական կողմերը:

Մի կողմը թողնելով այն հանգամանքը,
թէ հայ եկեղեցու ստորին պաշտօնեաները
որքան պատրաստականութիւն ունեն այդ-
պիսի կօլլեկաիւ ձևով պահանջներ դնել
մեր հոգևոր բարձրագոյն իշխանութեան

(X) անօրէր բար: ոչ մայր թիւը
այլ թե՛ ձևեր }
Ի թիւը է ինչպէս ձևեր

առաջ իրենց վիճակի բարւոքման համար
և թէ որքան գիտակցաբար կարող են
ներանք վերաբերուել դէպի այդ լուրջ խնդի-
րը,— աւելորդ չի լինի դոնէ մի ամփոփ տե-
ղեկութիւն տալ այն նիւթական ու բարո-
յական աշխարհի մասին, որի մէջ գտնվում
է հայ եկեղեցու ժամանակակից ստորին
պաշտօնեան, գործածական լեզուով՝ տիրա-
ցուն— հայ ժողովրդից արհամարհուած այդ
դասակարգի ողորմելի ներկայացուցիչը: Եւ
ինչո՞ւ է արդեօք նա արհամարհուած:— Եթէ
ի նկատի առնելու լինենք նրա անմիջական իշ-
խանաւորի— քահանայի— վարկ ու յարգանքի,
հեղինակութեան այն չափը, որ ներկայումս
նա վայելում է հասարակութեան մէջ *),
մեզ համար միանգամայն հասկանալի կ'լինի
այդ արհամարհանքի բուն պատճառներից
մէկը: Բայց ախտահանիր, մաքրիր այդ եր-
կու դասակարգերն էլ անպէտք ու վնասա-
կար որոմներից՝ և իրերը իրենց բնական
դրութիւնը կ'ստանան, կ'մտնեն իրենց բնական
ընթացքի մէջ, մի հանդամանք՝ որ երբեմն եր-
բեմն գիսաւոր աստղի նման, սուր պահան-
ջի ձևով երևան է գալիս մեր հասարակա-

*) Մեր խօսքը հազուադէպ բացառութիւն-
ների մասին չէ:

կան կեանքի մտաւոր հորիզոնում և աշա-
գօրէն կրկին անհետ կորչում, անցնում...

Արդիւնաբաշխութեան որոշ կարգ ու
կանոնի կատարեալ բացակայութիւն է թա-
գաւորում մեր եկեղեցու մէջ: Չկայ մի ու-
րոշ կէտ, որտեղ սահմանափակուի քահանա-
յի, սարկաւազի և դպրի ստանալիք հասոյթ-
ները եկեղեցական այս կամ այն օրինակա-
տարութիւնից: Դժուար չէ ուրեմն երևա-
կայել, թէ որքան արդար ու բարեխիղճ կա-
րող է լինել մասնատրութիւնը, երբ նա կա-
տարվում է կամայական ձևով, երբ նա ամ-
բողջապէս թողնում է քահանայի իրաւուն-
քին, նրա բարեհայեցողութեանն ու խղճին
(եթէ միայն նա ունի): Այնտեղ, ուր կայ
օրէնք, ուր կայ մանաւանդ նրա բառացի գոր-
ծադրութիւնը՝ բնականաբար զսպում ու
կաշկանդվում է մարդկային կամայականու-
թիւնը. չկայ օրէնք, չկայ մանաւանդ նրա
գործադրութիւնը՝ խեղդում է ամեն մի
արդարութիւն, խեղդում ամեն մի իրա-
ւացի բողոք: Եւ ահա մի կողմից այդ
օրէնքի բացակայութիւնը, միւս կողմից քա-
հանայական դասի ճնշող մեծամասնու-
թեան անպատմելի շահամոլութիւնն ու ա-
նօրինակ անխղճութիւնը եկեղեցու ստորին

պաշտօնեաների համար ստեղծել է մի դրութիւն, որտեղ շահագործուողը, կողոպտուողը հարստահարուելով հանդերձ՝ չ'ունի մի յենակէտ, որին ապաւինելով, կարողանայ պաշտպանել իւր իրաւունքը, բողոքել իւր զրկողի, իւր թալանողի դէմ:

Շատերը գուցէ հոգևոր կառավարութեան դռները մեզ ցոյց տան այդ դէպքում: Այդպիսիներին մենք կարող ենք հաւատացրած լինել, որ նախ դժուար կարելի է եւրաշխաւորել գործի յաջող ելքի համար և երկրորդ՝ համոզուած լինել, որ նման գործով այդ դռների շեմքից անցնողի համար միանգամ ընդ միշտ փակուած կ'մնայ եկեղեցիների մուտքը, այլ խօսքով՝ արդարութիւն խնդրելու համար անօգնական փողոց շարտուած:

Սակայն միակողմանի չ'լինելու համար նայենք այժմ շքադրամի և միւս երեսը: — Քանի՛ հոգի անհատներ արդեօք կարելի է հաշուել դիցուք Տփլիսի եկեղեցական սպասաւորների ամբողջ կազմի մէջ, որոնք իրենց անընդհատ ու յարատեւ զրկանքի համար երբ և իցէ պաշտօնապէս բողոքած լինեն և այժմ էլ բողոքելու քաջութիւն ունենան, և միւս կողմից կեանքի և ապրուստի այնքան

ապահովութիւն, որ անտարբեր կարողանան նայել եկեղեցուց անպայման կերպով արտաքսուելու անխուսափելի հետեւանքի վրայ: Չափազանցութիւն չի լինի, եթէ մենք սահմանափակուելու լինենք $\frac{20}{100}$ -ով: Այստեղից պարզ է արդէն, թէ տնտեսական որպիսի անկեալ պայմանների մէջ է գտնվում հայ եկեղեցու ստորին պաշտօնեան և թէ որքան աղքատ է նա պատուասիրութեան հասկացողութեան նկատմամբ: Տարիների ընթացքում նա անողորմ կերպով կողոպտվում, հարքստահարվում է իւր անմիջական իշխանաւորից և գրաստային համբերութեամբ անձայն ու անշուկ տանում է իւր անլուր զրկանքները:

Սակայն այդ ստրկական դրութեան դէմ բողոքելու պայմանների աննպաստ դասաւորութիւնը խոստովանուելով հանդերձ՝ անկարելի է մոռացութեան տալ և չ'յիշել մի այլ գլխաւոր հանգամանք, որ այդ դասակարգի քարացած ու անդաւայ կեանքի բուն պատճառն է եղել միշտ և այժմ էլ է: — Ռայն անսահման ու անծայր տգիտութիւնն է, մաքրի այն կուրութիւնը, որի մէջ խարխափում է նա՛ մարդկային ազատ զգացմունքի այն դիւակնացած կաշկանդուն վիճակը, որ,

կարծես, ճակատագրական մի անխուսափելի զորութեամբ միշտ անասնային հակումներ և հնազանդութիւն է ներշնչում նրան. ժողովրդի լեզուի մէջ քաղաքացիական լայն իրաւունք ստացած մաքուր «տիրացուական» սոցիալութիւնը: Ճիշտ է, Տփլիսի մօտաւորապէս 60 հոգի սպասաւորների 20% -ը ընթացաւարտ երիտասարդներ են, — գլխաւորապէս թեմական դպրանոցներից, — սակայն անկարելի է ներկայ խնդրում նրանց մասին նպաստաւոր կարծիք յայտնել և միշտ չ'իշխել, երբ խօսքը նրանց է վերաբերում, Քռիլովի հռչակաւոր ԿВАРТЕТЬ-ից «...какъ ни садитесь, все въ музыканты не годитесь» տողերը: Ուրբան և ցաւալի է այս հանգամանքը, նոյնքան և մի դառն ճշմարտութիւն է: Այլապէս դժուար է բացատրել թէ ինչպէ՞ս միջնակարգ կրթութեան տէր այդ անհատները հաւասարապէս ու կտտարեալ ներդաշնակութեամբ լուռ ու մունջ միևնոյն զրկանքն են կրում Ախալքալաքի և կամ Ղազախի խօրքերից Տփլիս «տիրացութեան եկած» գրի սեն ու սպիտակը հազիւ հազ ճանաչող իրենց համապաշտօնեաների հետ... Եւ մի թէ ուսումը, գիտութիւնը մարդկային արժանապատւութիւնը յարգելու

համար այդ չափ զգացմունք են միայն ներշնչել այդ պարոններին: Եկեղեցու իւրաքանչիւր մի սպասաւոր միշտ առիթ ունի լրսելու երկնաւոր փրկչի այն խօսքերը՝ թէ «որին շատ է տրուած, նրանից էլ շատ պահանջվում է» . . .

Անհետաքրքիր չի լինի այստեղ պարզել մի կարևոր հարց. — թէ ինչո՞ւ մեր եկեղեցական ստորին պաշտօնեաների մէջ բացակայում է կրթութեամբ տարրը: Չէ որ մեր թեմական դպրանոցները, Էջմիածնի ճեմարանը ամեն տարի բաւական թուով ընթացաւարտներ են տալիս: Մինչև ծխական - եկեղեցական ուսումնարանների երկրորդ անգամ, այն է 1896 թ., փակուելը, հասկանալի է, թէ ուր պիտի, բնականաբար, դիմէր այդ դպրոցաւարտների հոսանքը: Գաւառական կեանքը վերջին տարիների իւր վերածնութեամբ այդ երիտասարդ ուժերին էր պարտական, որոնք ցրուելով նրա այս կամ այն խօլ ու հեռաւոր անկիւնները, թէև կտրուած քաղաքային վայելչութիւններից, զրկուած ամեն մի յարմարութիւնից, կենսական անհրաժեշտութիւններից, այնու ամենայնիւ մի պաշտելի ինքնուրացութեամբ կեանք ու վերակենդանութիւն էին տալիս

գիւղական մոռացուած ժողովրդի մութ ու մեռած աշխարհին: Որպէս համատարած խաւարի մէջ առկայծող կենդանի շողեր, սունկի պէս այստեղ-այնտեղ ուսումնարաններ էին շարունակ ծլում, աճում: Կեանք կար... իրէալ կար... Բայց այդ միւսնոյն երիտասարդութիւնը միշտ հեռու մնաց մայրենի եկեղեցու հետ իւր կեանքը կապելուց: Գիւղական աշխարհի վերաբերմամբ նրա բռնած այդ դիրքը շատ հասկանալի էր:—Այլ բանէր գործել ուսուցչական ասպարիզում և՛ ուրեմն, այդ կեանքի ժամանակամիջոցի իրաւունքը ունենալ սեպհական տրամադութեան տակ և բոլորովինայլ բան՝ հոգևոր կոչումով պըսակել ընդ միշտ այս կամ այն գիւղի վերայ և այնտեղ էլ ստիպուած լինել մնալ, որքան էլ թէ նիւթական և թէ բարոյական պայմանները խղճալի լինէին: Տարազնաց կեանքը շատ գրաւիչ կողմեր է ունենում: Միւս կողմից դեռ մեր մէջ կուտուրայի երակը այնչափ ուժգին զարկ չունէր, որպէս զի մենք գիւղերի համար «գաղափարական քահանայի» տիպեր կարողանայինք վերարտադրել:

Նոյն ցաւալի երևոյթը սակայն տեղի էր ունենում նաև քաղաքներում և մեր երի-

տասարդ ինտելիգենտ ուժերը, մինչդեռ ուսումնարանները փակուելուց յետոյ գլխապատառ ցրւում էին մի կողմից դէպի նաւթային աշխարհը, Կովկասի զանազան կենդրոնները և միւս կողմից մի ահագին տոկոսն էլ փրկութիւն էր որոնում հաշուապահական կուրսերում՝ Երևանում, Սևանայ Վանքում, Եուջիում... տգէտների ահագին փոմհակներ էին ձեռնադրվում թշուառ ժողովրդի ցաւերը բազմապատկելու համար... Սա մի դառն ու ցաւալի իրականութիւն էր, որ այժմ էլ պահպանում է իւր չարաբաստիկ գոյութիւնը և, երևի, այդպէս էլ կը շարունակուի, չնայած մեր հոգևոր բարձրագոյն իշխանութեան փքուն շրջաբերականներին՝ անուս տգէտների առաջ քահանայական ասպարէզը փակելու համար: Կաշառքը ընդհանուր մարդկութեան հետ պիտի գերեզման իջնէ և նրա ամենակարող զօրութիւնը ամբողջ աշխարհի հետ միասին կործանուի: . . .

Սակայն շատ չհեռանանք մեր հարցից:—

Եկեղեցական սպասաւորի պաշտօնի մէջ մտնողը,— ինի նա տգէտ, թէ կը թուած, այդ միւսնոյն է,— միշտ դպիր և կամ սարկաւազ մնալու պայմանով չէ ընդունում այդ ծառա-

յութիւնը, հապա անշուշտ քահանայանալու մտադրութեամբ, և ցաւը նրա մէջն է, որ որ այդ նոյնքան իրաւունք է համարում իրան որևէ մի համալսարանաւարտ և կամ դպրոցաւարտ, որքան և խալիփայական ուսումնարանի բովից դուրս եկած սաղմոսն ու շարականը անգիր սերտած և կամ որևէ դպրոցի կողքից անցած մի տիրացու, որ աշխարհի կարգ ու սարքի հասկացողութեամբ ամեն ինչ հացի խնդրով միայն դատելու սահմանից այն կողմը երբէք չի անցնում և անընդունակ է նոյն իսկ անցնելու: Այժմ տեսնենք, թէ այս երկու հակադիր ծայրերը, երբ փորձում են ոտ դնել նուիրական պաշտօնի առաջին աստիճանի վրայ, որպիսի խոչ ու խուժի են հանդիպում: Եթէ դուք մի դարընից, որ միայն իւր մուրճն ու երկաթն է ճանաչում, հարցնելու լինէք՝ թէ որպիսի սպասաւոր կըրցանկանայ իւր եկեղեցու համար՝ կրթուած, ուսում ստացած, թէ ոչ, — նա, այդ դարբինը, առանց երկար ու բարակ մտածելու, անկասկած, առաւելութիւնը կ'տայ կրթուածին, և այդ այն հասարակ պատճառով, որ դարբերի տրագիցիան նրան սովորեցրել է յանձին իւր եկեղեցու պաշտօնեաների միշտ երևակայել կրթուած ան-

հատների, թէև, պարզ է, դրան հակասող ժամանակակից դրութեան մասին նա գաղափար ունենալ չի կարող:

Սխալ է միանգամայն այն հայեացքը, թէ մեր գիւղական ժողովրդի ծայրահեղ տգիտութիւնն է պատճառը, որ զանազան բախտախնդիր անկիրթ տիրացուներ յաջողութիւն են գտնում քահանայ ձեռնադրուելու այս կամ այն գիւղի վրայ: Ուսման անհերքելի կարևորութիւնն այսօր ամեն մի գոեհիկ գիւղացին պատրաստ է խոստովանելու և նա երբէք չի համաձայնի այդպիսիներին իւր հաճութիւնը տալու, եթէ չ'լինեն մի շարք արտաքին ճնշող պայմաններ: Ամենազօր կաշառքը ամփոփելով իւր բռան մէջ գիւղի հարուստներին, ազդեցիկներին՝ դրանց հզօր ազդեցութեամբ իւր ցանկացած տօնն է տալիս գիւղական հասարակութեանը և այդպիսով յաջողութեամբ ի կատար ածելով իւր միսսիայի նախապատրաստական անհրաժեշտ քայլը, համարձակ կերպով այնուհետև անցնում է հարկաւոր ինստանցիան և այնտեղ էլ իւր թովիչ գօրութեամբ, նոյն բախտաւոր աստղի տակ միևնոյն յաջողութիւնը գտնելով հարթում է իւր կլիէնտի ճանապարհը «առ ի հովուել զժողովուրդն»...

(beton)

Այլ բանէ սակայն քաղաք տեղերում:—
 Այդտեղ արդէն ինտելիգենտ անձնա-
 ւորութիւնը ոչ թէ միայն քահանայ ձեռնա-
 դրուելու դէպքումն է հարկադրուած լինում
 մաքառել բազմաթիւ խոչնդոտների դէմ, այլ
 նոյն իսկ այն դէպքում, երբ նա, ինչպէս ա-
 սացինք, այդ սրբազանագործ պաշտօնի ա-
 ռաջին աստիճանին է ցանկանում մօտենալ:
 Քահանան, որին՝ հաստատ գիտէք՝ տիրացու
 է հարկաւոր, երբ դիմում էք այդ ազատ
 տեղի համար, սրբազան պարտականութիւն
 է համարում սկզբից և եթէ հարցնել. «Որ-
 տե՞ղ ես սովորել, աւարտած ես», և միշտ
 դէմքը թթուացնում, դժգոհութեան մի տը-
 հած արտայայտութիւն է տալիս նրան, երբ
 իմանում է, որ դուք, այո՛, աւարտել էք
 այս կամ այն թեմական դպրանոցում և կամ
 դիցուք Գէորգեան ձեմարանում: Որչափ և
 տարօրինակ է գոեհիկ դարբնի և ժողովրդի
 հոգևոր հովուի տրամադրութեան և աշխարհ-
 հայեացքի մէջ եղած այս ակներև հակա-
 սութիւնը, նոյնչափ և դա մի մերկ ճշմարտու-
 թիւն է, մի ցաւալի իրականութիւն: Սակայն
 խնդիրը դրանով դեռ բոլորովին չի վերջա-
 նում:— Չեզնից անպատճառ պահանջում են,
 որ դուք հիմնաւորապէս ծանօթ լինէք եկե-

2
 2
 2
 2
 2

ղեցական երգեցողութեանը, ժամասացու-
 թեանը, օրինակատարութիւնների կարգ ու
 կանոնին. պահանջում են նոյնպէս, որ լաւ և
 քաղցր ձայն էլ ունենաք... Եղէք դուք մի կա-
 տարեալ ազէտ, բայց սովորած շարականնե-
 րի ութը եղանակները, ունեցէք փոքր ի շա-
 տէ յաջող ձայն՝ և ազատ տեղը անշուշտ ձեզ
 կ'տրուի: Իսկ եթէ պատահի, որ դուք ա-
 ւարտման վկայագիր ունենալով հանդերձ,
 կարող էք բաւականութիւն տալ և միւս պա-
 հանջներին, և միևնոյն ժամանակ նոյն տե-
 ղի համար քահանային դիմում է ձեզ հետ
 նաև կրթութիւնից իսպառ զուրկ մէկը՝ կա-
 րող էք հաւատացած լինել, որ առաւելու-
 թիւնը կ'տրուի ո՛չ թէ ձեզ, այլ միւսին: Իսկ
 աւելի խելացի վարուած կ'լինէք, եթէ նման
 դէպքում հեռու պահէք ձեզ մրցութեան մէջ
 մտնելուց. մրցութիւն եմ ասում, որովհե-
 տեւ ձեր աչքին թող փչելու համար ձեզ և
 ձեր ախոյեանին եկեղեցու հակառակ դասե-
 րում կանգնեցնելով, անշուշտ կ'փորձեն, թէ
 ձեզնից որն է ընդունակ աւելի բաձրաձայն
 գոռալու և փոխերը «վարժ ու ջրի պէս կար-
 դալու»

Չեր ուսման, կրթութեան նշանակու-
 թիւնը, դուք տեսնում էք այդտեղ կորչում



է և յաղթանակը մնում է ազէտի կողմը: Բայց եթէ ուշադրութեամբ նայելու լինէք ձեր չորս կողմը, այդ միևնոյն եկեղեցական հայրերի աչքի ընկնող մեծամասնութիւնը ոչ միայն զուրկ է գեղեցիկ ձայնից, երգելու ընդունակութիւնից, այլ և նրանցից շատերն իսկ չեն կարողանում ուղիղ կարգալ աւետարանի բառերը, Ստուածաշնչի անձանօթ տեղերը, ուր մնաց, թէ նրանց հինգ տող դրուածքի մէջ առնուազն մի ամբողջ տասնեակ ուղղագրական սխալներ կարելի է գտնել և գրաբար դրութեան մէջ հայկաբանութեան այնպիսի դոհարներ, ինչպէս օրինակ «վասն որոյ և տուաւ նմա զայս վրկայական» և կամ «քուֆթայն, զոր առաքեցեր, կերաւ և զներսէս քահանայն»...

Պահանջում են ձեզնից այն, ինչից որ միանգամայն զուրկ են իրենք: Իսկ թէ ինչու իրենց նախորդները նոյն պաշտօնով եկեղեցու մէջ նրանց ընդունելու ժամանակ այդքան բծախնդիր չեն եղել, այդ արդէն իրենց դադարներն է... Պարզն այն է միայն, որ ներկայումս այդ օրէնք է ճանաչվում նրանց կողմից... Միայն մի ճշմարիտ կողմ կայ այդ պահանջների մէջ՝ ձայնի յաջողակութիւնը: Այն, մեզնից իւրաքանչիւրն էլ կա-

րող է խոստովանել, որ եկեղեցական պաշտօնէին իսկապէս որ հարկաւոր է ձայնեղ լինել: Սակայն որքան իրաւացի և նպատակայարմա է հոգևոր կոչման ձգտող իւրաքանչիւր մէկից անպատճառ պահանջել, որ նա յաջողակ ձայն ունենայ և այդ պայմանն էլ միևնոյն ժամանակ շրջափակել օ էնքի սահմանների մէջ, մոռանալ կրթութեան ցենզը և միայն նշանակութիւն տալ ձայնին և շարականների եղանակների հետ ունեցած ծանօթութեանը—աբսուրդ չէ միթէ այդ: Սա մէկն է այն գլխաւոր արգելքներից, որ ցանկացող դպրոցաւարտի առաջ փակում է եկեղեցական ծառայութեան մուտքը:

II

Այժմ մի բոլորէ երևակայեցէք, որ դուք, այնու ամենայնիւ, յաջողութեամբ անցնելով Սցիլլան և Քարիբդան՝ ի վերջոյ ընդունուել էք դիցուք Տիփսիսի եկեղեցիներից մէկում իբրև սպասաւոր-դպիր: Մտնելով այդ պաշտօնի մէջ և միաժամանակ մնալուց յետոյ ծանօթանալով ձեզ շրջապատող կեանքի մանրամասնութիւնների հետ, ձեր աչքի առջև բացվում է մի աշխարհ, որտեղ ամենից ա-

ուսջ բացակայում է և՛ խիղճը, և՛ արդարութիւնը, որտեղ աստուածապաշտութեան մաքուր և անարատ գաղափարի փոխարէն թագաւորում է մամոնապաշտութիւնը և մարդիկ ամենագծուծ հաշիւների ետեւից ընկած՝ պատրաստ են ամեն քայլափոխում մուռանալ և՛ պատուի, և՛ ամօթի ու պատկառանքի զգացումունքը: Քսութիւնն ու շողոքորթութիւնը իրենց կատարեալ դերի մէջ են այդտեղ. զուր է ազնուութիւն և բարոյական մաքրութիւն որոնել այդպիսի մի միջավայրում: Հորիզոնը սակայն սկսում է աւելի և աւելի լայնանալ... և ձեր աչքի առաջ այնպիսի խարդախութիւններ և աչքակապութիւններ են կատարվում, որոնց վրայ ամենայաջողակ ձեռնածուն անգամ կարող է նախանձից տրաքուել: Շրջապատող մթնոլորտը ճնշում է ձեզ և դուք դժուարանում էք շնչել... Մի՛թէ, — մտածում էք, — այս մարդիկը, որ երկնաւոր փրկչի աշակերտներն են կոչւած լինելու, որ ժողովրդի հոգևոր կեանքի առաջնորդներ են ընտրուած, — իրենց բարոյականի այդօրինակ աղքատութեամբ ընդունակ են կատարելու իրենց վրայ ընդունած վեհ պաշտօնի, կոչման ծանր ու լուրջ պատասխանատուութիւնը: Թախծալի

մտքեր են պաշարում ձեզ և դուք ակամայից յիշում էք մեծ վարդապետի յուսահատական և ցասմնալի խօսքերը, թէ՛ «տուն իմ տուն աղօթից կոչեսցի և դուք արարիք զնա այս աւագակաց»... Եւ ո՞վ է արդեօք մեղաւորը, որի՞ օձիքից արդեօք հարկաւոր է բռնել և հաշիւ պահանջել՝ ժողովրդի, թէ՛ հոգևոր իշխանութեան: Մեղաւոր է թէ մէկը և թէ միւսը: Մեղաւոր է մամնաւորապէս քաղաքացի ժողովուրդը, որ կուլտուրապէս անհամեմատ աւելի բարձր լինելով գիւղական ռամիկ ժողովրդից՝ անհամեմատ էլ խիստ պիտի վերաբերուի դէպի ընտրողական գործը, աչքի առաջ ունենալով, որ գիտակցաբար կատարուած ընտրութիւնը միայն կարող է ցանկալի հետեւանք տալ: Մեղաւոր է և հոգևոր բարձրագոյն իշխանութիւնը, որ չ'հասկանալով հանդերձ, թէ որպիսի բովի ծնունդ են լինում՝ առհասարակ զիւղական քահանայացուներին տրուած համախօսական վճիռները և, հաւանօրէն, հասկանալով, թէ որպիսի գոյն են կրում թեմական հոգևոր ատեաններում տրւած նրանց «յաջող քննութիւնը», անգրագէտների և թերուս համբալիների ամբողջ լէգիոնների ձեռնադրութեան հրամաններ է

այնուամենայնիւ ուղարկուած կոնսիստորիա-
ներին և այդպիսով գաւառներու ատեղ-
ժում հոգևոր մարմնի մի այնպիսի կազմ,
որ նոյնքան մութ ու խաւար է, որքան և
բուն ժողովրդի մտաւոր բարոյական աշխարհը:

Շարունակուած էք դուք ձեր ծառայու-
թիւնը եկեղեցում և հեռոցհեռէ աւելի և
աւելի են ընդարձակվում կեղտոտ իրակա-
նութեան սահմանները: Կենդանի փաստե՛ր
ալեկոծում են ձեր ներքին աշխարհը և միւս
կողմից էլ դուք ձեր կաշուի վրայ զգում էք
մի սուր այրոց:— Դա ձեր անմիջական իշ-
խանաւորի ալիներէ հարստահարութեան,
բիրտ ու կոպիտ վարմունքի, փաշայական
բռնակալ վերաբերմունքի, բարձրահայեաց
և ինքնահաւան քամահրանքի անխուսափելի
հետևանքն է: Ձեր քահանան ոչ մի դէպքում
չի յարգի ձեր մարդկային արժանաւորու-
թիւնը և, որ դիտարկենք, նա, կարծես դիտ-
մա՛ք, այդ արժանապատուութիւնը աւելի
խորը խոցելու, վիրաւորելու համար կ'ընտրէ
անպատճառ մի այնպիսի միջոց, երբ ձեր
չուրջը լի է կողմնակի անձնաւորութիւններով:
Այն ինչ, երբ դուք մենակ էք, նա հազիւ
թէ վճռի անցնել մարդավարութեան սահ-
մանից և անպատճառ կ'սկսէ բամբասել իւր

պաշտօնակից ընկերներից մէկի կամ միւսի
վերայ՝ շատ անդամ չ'եղած թերութիւններ
փաթաթելով նոցա շինքին: Խօսակցութեան
այլ նիւթ նման դէպքերում առհասարակ
նրանք անկարող են գտնելու . . .

Ձեր ծխերի մէջ ննջեցեալ է պատահել:
Ամբիժքների ժամանակ և մանաւանդ թաղ-
ման օրը դուք մի կատարեալ սկիւռ պիտի
լինէք՝ կենդանի և աշխոյժ, կամ, ինչպէս ա-
սում են, ձեր ոտի վրայ ոտ պիտի ունենաք,
աչքի վրայ՝ աչք: Չ'ինի թէ ժողովրդին բա-
ժանուած կիսայրեալ մոմերը կրկին յետ
չ'ժողովէք և խնամքով չ'փաթաթէք՝ հէնց նոյն
եւեկոյեան և եթ տէր հօր տունն ուղարկե-
լու. . . Պիտի ուշի ուշով նայէք, որ աւելորդ
մոմ ոչ ոք չ'վերցնի, այլապէս դուք պատաս-
խանատու կ'լինէք կորածների համար: Չ'ի-
տի մոռանաք, որ աշտանակների մեծ մոմե-
րը (կերօնները) շուտ չ'պիտի վառել և ամ-
բիժքը վերջանալուց յետոյ հարկաւոր է իս-
կոյն և եթ փշել-հանդգնել, որ շատ չ'այ-
րուեն. . . Ձէ՛ որ դրանք բոլորը քօ տէր տէ-
րինն են և դու պարտաւոր ես հսկել դրանց
վրայ, հսկել փոխանակ երկուսի չորս աչքե-
րով. . . Բան է, եթէ մեռելատէրը պահան-
ջէ ամբիժքը սկսուելուց կէս կամ մէկ ժամ

առաջ վառել այդ մոմերը, դուք պիտի այն-
քան հնարագիտութիւն գործ դնէք, այնքան
այս ու այն կողմը «մուլի-շուլի» անէք, որ
մոմերը չ'վառելով հանդերձ՝ թէ նա չ'վիրա-
ւորուի և թէ քո տէրտերի արամադրութիւնը
չ'խանդարուի, և այդպիսով մոմերը վառուին
և հանգչուին ուղիղ ձեզ թելադրուած ժա-
մանակին... Շատ անգամ մեռելատէրը, դու-
ցէ և անցեալի օրինակներից խրատուած,
կասկածում է մոմերը յանձնել ձեզ, մի գու-
ցէ գողանաք *): Եւ ահա դիցուք հրաւիր-
ւած քահանաներից մէկը ուշ է եկել, մոմ
չ'ունի ձեռին: Դուք այդ ժամանակ ստիպ-
ւած էք լինում մարդկանց բազմութիւնը
ձեղքելով այս ու այն կողմն ընկնել, շատ ան-
գամ նոյն իսկ խոհանոցը մտնել՝ գտնելու
այն Մղալօբին կամ Քեթեւանին, որին պահ
են տուած մոմերը... Իսկ այնտեղ կարգը
կատարում են և ձեր որոշ պաշտօնը վարող
չ'կայ: «Ո՞ւր ես կորել, այ տղայ, ինչո՞ւ մո-
մը ժամանակին չես վերցնում»... բարձրա-
ձայն դիմում է ձեզ ձեր քահանան երբ ա-
մօթից քրտինքը պատած մի կերպով հաս-
նում էք վերջապէս դադաղի մօտ: Մեղաւօր
էք արդեօք դուք...

*) Սա չափազանցութիւն չէ:

Յաճախ են նաև պատահում դէպքեր,
երբ ժողովրդին բաժանուած մոմերը, կի-
սայրեալ դրութեամբ, հրաժարվում են տալ:
Քահանան պահանջում է ձեր միջոցով, իսկ
տէրը մերժում է: Ընկնում էք երկու կըրա-
կի մէջ. դէպի որ կողմը շրջում էք ձեր ե-
րեսը՝ այսօրում է: Քահանայի պահանջն ար-
դեօք կատարէք, թէ մեռելատիրոջ իրաւուն-
քը յարգէք...

Աւելորդ չէ յիշել նաև այն անբաւա-
կանութիւնների և տրտունջների մասին, որ
հեղեղի պէս թափվում են ձեր գլխին յու-
ղարկաւորութեանը հրաւիրուած քահանա-
ների և շատ անգամ նոյն իսկ դպիրների
կողմից, երբ նրանց բաժանուած մոմերի
կեղծիքը բացվում է, — կիսայրեալ և ծայ-
րերը նորից շակուած են լինում: Չէ որ ա-
մենքին էլ յայտնի է, որ մոմավաճառանո-
ցում ծախուող մոմեղէնը կիսայրեալ լինել
չէ կարող: Հանելուկի ծայրը հետաքրքիրը
պիտի օրոնէ ծխատէր քահանայի անձնական
մոմերի պահեստում. այնտեղ է կատարվում
այդ օպերացիան, մի հանգամանք, որ շատ
յաճախ կրկնվում է և հոգեհանգիստների և
կամ պսակների ժամանակ ծխերի կողմից
եկեղեցու ջահերի համար ուղարկուած մո-

մերի հետ, երբ մանաւանդ այդ մոմերը մինչեւ տեղ հասնելը անցնում են քահանայի ձեռքով... Մեղաւոր էք տրդեօք, որ կեղտոտ արարքների մասնակից չլինելով հանդերձ՝ ձեր հասցէին են ուղղում թէ նկատողութիւն, թէ վիրաւորանք...

Մինչդեռ քահանայ տաք սենեակում փառաւորապէս բազմած թէյ է վայելում, դուք ձեզ իրաւունք չ'պիտի համարէք նոյն սենեակում մի անկիւն նոյն իսկ բռնել, ուր մնաց թէ նստել աթոռի վրայ նրա ներկայութեամբ, այլ շուրջառն ու բուրվառը կռան տակ դրած՝ նախասենեակում և կամ դուրսը կանգնած պիտի սպասէք, մինչև որ պաշտօն կատարելու համար ձեզ բարեհաճեն ներս կանչել...

Ծանր ու վիրաւորական է այդ, մահու չափ մի նուաստացում... Ձեզ արհամարհում են, մարդատեղ չեն գցում: Այդպէս են մեծ մասամբ վերաբերվում զէպի եկեղեցու ստորին պաշտօնեան՝ իբրև մարդ՝ գէրօի նշանակութիւն ստացած այդ անձնաւորութիւնը—տիրացուն: Քահանան չի յարգում ձեր մարդկայինը և այդ հանգամանքը մի շօշափելի օրինակ է նոյն ժողովրդի համար:

Հանդուցեալին հողին յանձնելուց յետոյ

գերեզմանատնից դալիս էք մեռելատունը ս. սեղանն օրհնելու: Որքան և հողով-սրտով հակառակ լինէք «քելեխ» ուտելուն, բայց և այնպէս դուք ստիպուած էք հետևել ձեր քահանային: Պատահում է շատ անգամ, որ մինչդեռ դուք զբաղուած էք լինում ժամկոչի հետ սուրբ սեղանի շաքարը, գինին, մոմերը, «բուլկիները», խնձորը... տեղաւորելով, սենեակն արդէն լցվում է մեռելատիրոջ բարեկամներով և մանաւանդ պրօֆեսօրնալ քելեխակերների անկոչ բազմութեամբ: Ասեղ գցելու տեղ չ'կայ, ակամայից մնում էք դուրսը կանգնած և պիտի սպասէք մինչև սեղանի վերջանալը: Իսկ եթէ բան է ձեր քահանան առհասարակ սիրում է մեռելաթասերը բազմապատկել, երկարացնել, այն ժամանակ վայր եկել տարել է ձեզ... Մի անգամ տիրացուի մէկին սեղանատանը տեղ չ'լինելու պատճառով նստեցնում են մի սենեակում, որտեղ հաւաքուել էին բացառապէս ազբատներ, ձրիակերներ, գինեմոլներ, շիբգիւներ և փողոցային զանազան արհեստների տէր սրիկաներ: Ճաշի ժամանակ գինու առատութիւնը ազգում է «հիւրերի» ուղեղի վրայ: Սեղանակիցներից երկուսն ինչ որ պատճառով կռվում աղմուկ են բարձրա-

ցընում, իսկ մէկն էլ (թող ներուի մեր անհամեստութիւնը) կանգնում և կեղտոտում է սենեակի մէջ... Սպասաւորները մեռելատիրոջ հրամանով ծեծում և դուրս են վռնդում անքաղաքավարի քելեխակերներին և ի թիւս այլոց մի քանի բռունցք էլ տիրացուին է բաժին հասնում այդ խառակութեան մէջ: — Ահա մի դէպք, որ եկեղեցու ստորին սպասաւորի ողբալի կեանքի թշուառ պատկերներից մէկն է ներկայացնում:

Համանման դէպքերով ոչ պակաս է այդ կեանքը և՛ մկրտութիւններ, և՛ պսակներ կատարելու ժամանակ: Ամեն մի քայլափոխում արհամարհանք, ծանր ակնարկներ և նկատողութիւններ իւր հասցէին, ստորացուցիչ նուաստացում — ահա թէ ինչ է նա շարունակ տեսնում և լսում...

III.

Մենք համառօտապէս նկարագրեցինք ընթերցողին այն՝ ինչ որ վերաբերում է ժամանակակից տիրացուի, մասնաւորապէս Տըփխիսի, կեանքի, այսպէս ասած, բարոյական ճնշումներին, նրա պատուի և մարդկային թանկագին զգացմունքների նահատակութեանը, զրկանքներին: Անցնենք այժմ նոյն

պայմանների նկատմամբ նրա նիւթականին: Ինչպէս արդէն վերևը բացատրեցինք՝ մեր եկեղեցիներում արդիւնաբաշխութեան որոշ օրէնք, սիստեմ գոյութիւն չունի և իւրաքանչիւր մի քահանայ պատահած օրինակատարութիւնների արդիւնքից ցանկացածին չափ է միայն մաս հանում իւր տիրացուին:

Վերջինիս ապրուստի աղբիւրները կազմում են՝ նախ ռոճիկը և յետոյ էլ գանձանակը և օրինակատարութիւններից ստացած հասոյթները: Այժմ տեսնենք, թէ իւրաքանչիւրը դոցանից ինչ չափով է ապահովում տիրացուի ապրուստի միջոցները, ընդունելով նրան իբրև մի մարդ, որ կարող է սահմանափակուել կեանքի ամենահամեստ պահանջներով:

Տիփխիսում կան եկեղեցիներ, որտեղ սպասաւորները բոլորովին ռոճիկ չեն ստանում և միայն օրինակատարութիւններից և գանձանակից են սպասում իրենց ապրուստը: Եթէ վերցնելու լինենք միջին թիւը, կտեսնենք որ այդ ռոճիկ ասուած ապրուստի աղբիւրը օրևէ 5 ռ. ողորմելի դուժարի սահմանից այն կողմը չի անցնում: Միւս կողմից ի նկատի առնելով օրինակատարութիւնների պատահական բնաւորութիւնը, դըժ

ւար չէ երևակայել, թէ մի տիրացու, որ իբրև մարդ՝ ընականաբար մարդավայել ապրելու իրաւունք ունի, շատ անգամ ծանրաբեռնուած լինելով բազմանգամ ընտանիքով, դժոխային որպիսի վիճակի մէջ է ընկնում, երբ հարկադրուած է լինում բաւականանալ ամբողջ 30 օր այդ չնչին դուժարով միայն և նրանով հոգալ իւր տան վարձը, հոգալ իւր մարդաշատ ընտանիքի և՛ հացը, և՛ ջուրը, և՛ վառելիքը, և՛ լուսաւորութիւնը, և այլն և այլն: Եթէ այդ ոռոճկի վրայ աւելացնելու լինենք նոյնիսկ մի ամսուայ ընթացքում հաւաքուած գանձանակը, արդիւնքի սառուցման կէտը, համարձակ կարելի է ասել, ոռոճկի հետ միասին հաղիւ թէ հասնելու լինի 8—9 ը., որովհետև Տփլիսի ամենահարուստ եկեղեցիներում միայն սպասաւորներից իւրաքանչիւրը մաքսիմում 3—4 ը. գանձանակ է վերցընում ամսական:

Այս թուերը պերճախօս կերպով ցոյց են տալիս, որ տիրացուի ստացած ոռոճիկն ու գանձանակը միասին անբաւարար են միանգամայն նրա ապրուստի համար և կազմում են մի թիւ, որ նոյն իսկ օրավարձ հասարակ բաների ամսականի համեմատութեամբ վաղրէ:

Քալով օրինակատարութիւներին, մենք ա՛գէն ասացինք, որ նրանք պատահական ընաւորութիւն են կրում: Շատ անգամ շաբաթներ, ամիս է անցնում և սպասաւորը օրինակատարութեան երես չի տեսնում: Անկարելի է այստեղ ուշադրութեան չ'առնել մի աչքի ընկնող հանգամանք, որ ունի իւր մեծ նշանակութիւնը տիրացուի արդիւնքների աշխարհում:—Դա ծխաբաժանութեան սիստեմի բացակայութիւնն է, որ ներկայումս շատ միջավայրերի շարքում դուշութիւն ունի նաև Տփլիսիսում: Մեր խնդրից բոլորովին դուրս է, թէ որպիսի պայմանների հետեւանք է դա. մեզ համար կարեւոր է միայն այն հանգամանքը, թէ եկամտի տեսակէտից որքան նշանակութիւն ունի նա սպասաւորի համար: Հարուստ են քահանայի ծխերը, նրա եկամտի հետ միասին, ընականաբար, մեծ է և սպասաւորի եկամուտը, և ընդհակառակը, աղքատ են քահանայի ծխերը, նրա եկամտի հետ միասին քիչ է և սպասաւորի եկամուտը: Ծխերի շատութիւնը նշանակութիւն չ'ունի, եթէ նրանք ընդհանրապէս աղքատ և անապահով են: Փակագծի մէջ ասենք, որ մենք ի նկատի

չենք առնում հարուստ ժլատների կատե-
գորիան...

Պատահած օրինակատարութիւնը վերջա-
ցընելուց յետոյ, երբ դա մեռելաթաղ է, հո-
գեհանգիստ և շատ անգամ նոյն իսկ պսակ՝
ծխատէր քահանան մանրամասն հաշիւ է կազ-
մում և յանձնում տիրոջը: Այդ հաշուի բո-
վանդակութեան մասին նրա տիրացուն այն-
քան դաղափար է միայն ունենում, որքան
Աֆրիկայի մերկանդամ օթենթօթը Փարիզի
վերջին մոզանների մասին: Շատ հազիւ է պա-
տահում, երբ տեղն ու տեղը վճարում է այդ
հաշիւը: Տփխիսում ընդունված մի սովորու-
թիւն է, միշտ ձգձգել, ուշացնել նման հա-
շիւները և այն՝ շատ անգամ մի քանի ա-
միսներով, նոյն իսկ տարով: Ծիծաղելի չէ
տեսնել մի նորապսակ գոյգ, որը արդէն բո-
լորել է իւր ամուսնութեան միամեայ շըր-
ջանը, ունեցել է մինչև իսկ իւր անդրանիկ
պտուղը, այն ինչ նրա պսակի վարձը դեռ
ոչ եկեղեցին, ոչ քահանան և ոչ էլ սպասա-
ւորն է ստացել... Տարօրինակ չէ տեսնել,
երբ հանգուցեալը թաղում, հողին է յանձն-
վում, կատարվում է արդէն նրա քառասուն-
քը, տարելիցը, այն ինչ ոչ եկեղեցուն և ոչ
էլ նրա պաշտօնեաներին հարկուոր վարձա-

տրութիւնը դեռ չի տրուել... Այն, այս ե-
րեւոյթը մոզա է Տփխիսում և սպասաւոր-
ներից շատերի մօտ կարելի է գտնել երկար
ցուցակներ, որտեղ անուն-անուն դրուած է
լինում ծխերից այս կամ այն օրինակատա-
րութեան համար իրենց ստանալիք սպա-
ռիկները: Հաշիւն ստանալուց յետոյ ծըխա-
տէր քահանան սկսում է բաժանել օրինակա-
տարութեանը մասնակցողներին նրանց յատ-
կացրուած մասը և, ի հարկէ, նրա տիրա-
ցուն էլ իւր բաժինն է ստանում: Տփխիսում
հինգ մատերի վրայ կարելի է հաշուել այն
քահանաներին, որոնք բարեխիղճ վարձատը-
րութիւն են ստանում ծխերից իրենց տիրա-
ցուի համար և ստացածն էլ աղնուբար յան-
ձրնում նրան ամբողջութեամբ: Իրականու-
թիւնը, սակայն, անհերքելի փաստերով ցոյց
է տալիս, որ սպասաւորի մասը—նրա անու-
նով ստացուածը ամենաանխիղճ կերպով նախ
և առաջ խուզում, կրճատվում, պոչից ու
գլխից կտրվում է իւր քահանայի ձեռքով և
յետոյ միայն անդամահատուած դրութեամբ
տրում նրան: Հակառակ դէպքում քահանան
ուրիշ կերպ է յագուրդ տալիս իւր ազահու-
թեանը:— Հաշուի մէջ սպասաւորի մասը
ստանալով մինիմումի ամենակրճատ սահ-

մաններում, նոյն ձևով շօշափելով նաև ծախսերի միւս կէտէրը, միւս կողմից իրեն միայն յատուկ վարպետութեամբ աւելացնում է իւր վարձատրութեան չափը: Այդտեղ արդէն նա մոռանում է մինչև իսկ սահմանի դաղափարը... Հարիւրից մի ծուխ միայն կարող է պատահել, որ սպասաւորի դրութեան մէջ մտնելով, հակառակ քահանայի ցանկութեան, բաւել է նշանակում նրա համար:

Գուցէ դուք, յարգելի ընթերցող, ապացոյցներ էք պահանջում: Մի՞թէ այն, ինչ որ ամեն մի քայլափոխում տեղի է ունենում, ինչ որ, կարծես, մի տարօրինակ հասկացողութեամբ, քաղաքացիական օրէնքի բոլոր արտօնութիւններն է վայելում—կարօտ կարող է լինել ապացոյցներին:

Մենք գիտենք մի քահանայ, որ հինգ պսակից մի բուբլի միայն տուեց իւր տիրացուին, այն ինչ ինքը այդ պսակներից, երեւի, ամենաքիչը 40—50 ռ. էր ստացել:

Գիտենք մի քահանայ, որի տիրացուն մի պսակից դէպքի յաջող բերմամբ 7 ռ. էր ստացել—մինչև այդ օրինակատարութիւնից միանուագ ստացած նրա համար մի աներևակայելի գումար—իսկ իւր քահանան՝ 50 ռ.: Միւս օրը թշուառը հետեւեալ ար-

հաւիրքին է ենթարկվում. «Ի՞նչ իրաւունքով ես դու X-ից 7 ռ. ստանում, քանի որ նա իրաւունք չունի իմ փողից քեզ վարձատրութիւն տալու և դու էլ իմ տիրացուն լինելով, ուրիշ քահանայից վարձատրութիւն ընդունելու իրաւունք չունես: Քեզ երկու ռ. է միայն հասնում. մ'նացած հինգ ռ. առանց խօսելու հանիր և տուր ինձ» — գիմում է նրան իւր քահանան բարկացած ու փրփրած: Ի՞նչ կասկած, որ պահանջն իսկոյն և եթ կատարվում է:

Գիտենք մի քահանայ՝ կրթուած ու որոշ շրջանում շատ յարգուած մի հոգևորական*, որ մի պսակից ստացած 50 ռ. գումարից 50 կ. միայն մաս հանեց իւր տիրացուին:

Գիտենք մի քահանայ, որ մի հարուստ մեռելաթաղից իւր տիրացուի համար ստացած 100 բուբլուց 50 ռ. միայն տուեց նրան—ճիշտ և ճիշտ քրդի նման կիսեց: Իսկ գիտէք՝ թէ ինքը որքան ստացաւ—հաւաստի աղբիւրների համաձայն մի քանի հազարներ:

Գիտենք մի քահանայ, որ մի յայտնի հարուստի թաղումից 1000-ից աւել ստա-

*) Այժմ փոխադրուած Ռուսաստանի գլխաւոր քաղաքներից մէկը:

նալով հանդերձ, չ'զլացաւ իւր տիրացուի համար նշանակած 50 բուբլուց 10 ը. միայն տալ նրան:

Գիտենք մի քահանայ, որ մի ձեռեւաթաղի մասնակցելու համար՝ երբ 10 ը. բերելով յայտնեցին նրան, որ այդ գուժարից 2 ը. իւր տիրացուին է յատկացրուած իբրև «շուրջառականի» վարձ, բարկացած բացականչեց. «Ի՞նչ խաբար է, ես քահանայ տեղովս 8 ը. ստանամ, իսկ տիրացուս 2 ը. . . .» Այս ասելով, հանեց գրպանից մի բուբլի և տուեց վերջինին:

Գիտենք մի քահանայ, որ երբ մի հարուստի յիշատակին կատարուած հողեհանգստի համար շատ չնչին վարձատրութիւն էր տալիս սպասաւորներին, նրանցից մի քանիսը անբաւականութիւն յայտնեցին: «Գայլի բերանը ոսկր ընկնի և նա բնց թողնի» — եղաւ նրա բառացի պատասխանը այդ բողոքի դէմ. . . .

Գիտենք մի քահանայ, որ օրինակատարութիւններից իւր տիրացուին հասնելիքը ամիսներով շարունակ պահելու և կռիւ ու զարմազարով միայն տալու հիւանդութիւն ունի: «Կ'ուտամ, եղբայր, կ'ուտամ. . . .» — այդ է լինում միշտ նրա միօրինակ պատասխանը,

երբ տիրացուն յիշեցնում է նրան ապառիկների մասին: Եւ մի չ'տեսնուած հայկաբանութեամբ այդ «կ'ուտամը» միշտ «կ'ուտեմ» հարկաւոր է հասկանալ, որովհետև, արդարև որ, անհետ կլանվում կորչում է միշտ. . . .

Սակայն արդարութիւնը պահանջում է միակողմանի չ'լինել: —

Մենք գիտենք մի քահանայ, որ տնօրհնէքի ժամանակ, շատերի նման, չի «մոռանում» իւր աղքատ և հացի կարօտ ծըխերին և կանոնաւոր կերպով ամեն անգամ տները օրհնելուց զատ մինչև անգամ իւր հաւաքածից առատ բաժին էլ է հանում չքաւոր տանտէրին:

Գիտենք մի քահանայ, որ իւր գծուծ ու ժլատ պաշտօնակից ընկերներին օրինակ տալու համար, երբ նրանց ներկայութեամբ միշտ առատ մաս է տալիս իւր տիրացուին այն արդիւնքներից, որ միւս քահանաները առհասարակ գիտեն ամբողջապէս իրենց գըրպանը զնել, դատաւիետավում է իւր այդ ընկերներից, որպէս թէ ի ցոյց մարդկան տալիս է, իսկ դուրսը կրկին յետ վերցնում. . . . — արդարանալու մի աններելի և ստոր միջոց:

Բայց որքան հազուադիւրս են դժբախտաբար այսպիսի օրինակները:

Փորձի համար դիմեցէք առաջին պատահած տիրացուին՝ և նա անլուր զրկանքների պատմութիւնների մի երկար շարք կարող է հաղորդել ձեզ: Նա շատ լաւ գիտէ, որ քահանան այն չի տալիս իրան, ինչ որ իւր անունով ստացվում է, համոզուած է, որ ինքը հարստահարվում է, բայց այն էլ գիտէ, որ եթէ ստուգելու համար ծխի տունը մտնելու յանդգնութիւն ունենայ, եկեղեցուց անպատճառ կարտաքսուի իւր այդքայի համար: Ճիշտ է, քահանայի կեղտոտութիւնը կ'բացուի այդ դէպքում, բայց դա շատ քիչ կ'լինի նրա սպասաւորի կրած հարուածը բուժելու, ամօքելու համար: Միւս կողմից էլ տէր հօրը շատ լաւ յայտնի է տիրացուի հոգեբանութիւնը, գիտէ նրա թոյլ կողմերը, և հանգիստ, ամենայն ապահովութեամբ շարունակում է իւր քստմնելի և անսիրտ օպերացիան...

Ժողովրդին ընդհանրապէս անյայտ է քահանայական դասի սպասաւորին կողոպտելու այդ հրէշաւոր վարմունքը, նրան բոլորովին չէ հետաքրքրում այն հարցը, թէ սպասաւորին տրուած մասը արդեօք ամբողջութեամբ հասնո՞ւմ է նրա ձեռքը, թէ ոչ: Նա հաւատում է իւր ծխատէր քահանային

և նրանից, որպէս Քրիստոսի աշակերտից, որպէս Աստուծոյ սրբազնագործ պաշտօնեայից բոլորովին չէ սպասում նման մի վարմունք: Իսկ թէ այդ պաշտօնեան որքան ազնւութեամբ է վերաբերվում դէպի այդ հաւատը—դրա մասին արդէն պարբերաբար շարունակ կրկնվող փաստերն են խօսում: Ես շատ եկեղեցական ստորին սպասաւորներից եմ անձամբ լսել, թէ որքան շնորհակալ կը լինէին իրանք, եթէ այն բուբլիները, որ ժողովուրդը քահանայի ձեռքով է տալիս իրանց, այդ բուբլիների փոխարէն կօպէկներ ստանային, բայց միայն ոչ թէ քահանայի, այլ անմիջապէս նոյն ժողովրդի ձեռքից: «Մենք ժողովրդից դժգոհ լինելու բնաւ իրաւունք չ'ունենք, նա առհասարակ գիտէ լաւ վարձատրել, բայց ցաւը նրա մէջն է, որ մենք այդ վարձատրութեան յօշոտուած կմախքը միայն ստանալով հանդերձ, ժողովուրդը, դժբախտաբար, այն հաստատ կարծիքին և համոզմունքին է մնում, որ իւր տուածը տեղ է հասնում: Եւ երբ մենք զրկուածին, հարբատահարուածին յատուկ խղճալի պատկերի ամբողջ արտաքինով հանդամանքների բերմամբ մոռնում ենք նրա տան դռնով, նա աննըպաստ, թեր և դէմ կարծիքներ է կազմում

մեր մասին. և իրաւունք ունի: Մեր արհամարհուած լինելու բուն պատճառներից մէկն էլ այդ է»

Ռոճկի և դանձանակի սահմաններն արդէն մենք որոշեցինք վերևը: Գալով օրինակատարութիւններին և այս դէպքում ևս կրկին առաջնորդուելով միջին թիւը վերջընելու սիտեմով, մենք տեսնում ենք, որ եկեղեց. սպասաւորի արդիւնքի այդ ազդելւրըն ևս մի աննշան թիւ է ներկայացնում՝ մօտաւորական հաշուով ոչ աւել քան 8—10 ր. (թէ իւր քահանայի ծխերից և թէ կողմնակի օրինակատարութիւնների հրաւիրուելուց):

Այսպէս ուրեմն, մեր ստացած թուերը պարզ ցոյց են տալիս, որ Տփլիսի իւրաքանչիւր մի եկեղեց. ստորին սպասաւորի ամսական բիւջէն օրինակատարութիւններից, գանձանակից ստացած արդիւնքի և ռոճկի հետ միասին կազմում է 16—19 ր.: Անաշառ լինելու և կողմնապահութիւնից հետո մնալու համար այդ գումարի վրայ պիտի աւելացնել նաև դառն արիւն-քրտինքով ձեռք բերած այն մի քանի կոպէկները, որ նա ստանում է «տիրացուական երգեցիկ խմբ.», թէ ամառու ; անտանելի տօթերի

և թէ ձմեռային խստաշունչ բուք ու բորանի ժամանակ դէպի հեռաւոր վէրայի և կամ Խօջիվանքի գերեզմանատունը երգելով առաջնորդելով ննջեցեալներին, երբ մինչև տեղ հասնելը յուղարկաւորութեանը մասնակցելու հրաւիրուած շատ անգամ 10—15 քահանայից ծխատիրոջ հետ ընդ ամենը մի ջուխտ ու մի կենտ պարտաճանաչ ու բարեխիղճներն են միայն մնում: Եթէ խմբից ստացածն էլ առ առաւելն ամսական 5—6 ր. ընդունելու լինենք, որ հազիւ թէ լինի, կ'ստանանք վերոյիշեալի հետ միասին 21—25 ր.:

Այդ գումարը կարող է ապրուստի բաւականութիւն տալ սպասաւորին, եթէ նա դեռ ամուրի է, եթէ նրա վրայ չ'կայ ընտանիք պահելու դժուարին լուծն ու պատահանութիւնը: Բայց բանն այն է, որ այդ դասակարգի 75% համարեւն ամուսնացած մարդիկ են կազմում, ծանրաբեռնուած ընտանիքով ու զաւակներով: Քսան և հինգ բուբլին նրա ամսական արդիւնքի maximum թիւն է. դրա վրայ ամենայն համարձակութեամբ կարելի է պնդել: Որչափ և նա աշխատէ իւր ապրուստի ամենաանհրաժեշտ պահանջների շախտերն անդամ սահմանափա-

կելու, ապրելու ճնշուած դրութեամբ, անհնարին է այնու ամենայնիւ երևակայել, որ անակնկալ դէպքերից առաջ եկած ծախսերը աւերիչ ազդեցութիւն չ'ունենան նրա ուղորմելի բիւջէի վրայ և նա ստիպուած չըլինի քաղցած չ'մնալու համար այս ու այն կողմն ընկնել, սրանից նրանից փոխառութիւն խընդրել: Իսկ երբ դէպքը նրան է հիւանդութեան մահիճը նետուած, հեշտ է արդէն պատկերացնել, թէ այնուհետև ինչ կ'լինի նրա ընտանիքի դրութիւնը: Զաւակների կրթութեան մասին աւելորդ է մինչև անգամ մըտածել, քանի որ մեզանում ժամանակը չինական պարիսպներով է շրջապատել գիտութիւնը, ուսումը: Աղքատը, չքաւորը միշտ հեռու պիտի մնայ կրթական հաստատութիւններից . . .

Արդիւնքների ազբիւրները թուելու ժամանակ մենք չ'յիշեցինք այն՝ ինչ որ ստացուած է գատկի և ծննդեան տնօրհնէքներից և տարուայ մէջ մի քանի անգամ կրկնվող դերեզմանօրհնէքներից:

Եթէ եկեղեցական ստորին սպասաւորի ձեռքը երբ և իցէ միանուագ կերպով մի քանի տասնեակ բուրլիների գումար է ընկնում, այդ վերև յիշուած տօների ժամանակ

է միայն լինում: Մնացած դէպքերում նրա ամբողջ արդիւնքը ստացուած է կոպէկներով, մի հանգամանք՝ որ սաստիկ դժուարացնում է նրա առօրեայ ապրուստի պայմանները, երբ ստացածը, ինչպէս ասում են՝ «բանի տեղ չէ անցնում, դարդին դարման չի լինում»: Եւ նա ամեն անգամ անհամբեր սպասում է, թէ երբ կ'հասնի տնօրհնէքը, որ կարողանայ գոնէ իւր և իւր ընտանիքի, զաւակների «ոտ ու գլխին նայել» — հաղուստի մասին ևս մտածել: Չէ որ շորն էլ մի կենսական անհրաժեշտութիւն է, ամենակարելւոր մի պահանջ մարդու համար: Շուայութիւն արդեօք պիտի համարել այն, եթէ միլիօնաւոր ծնողների շարքում այդ մարդն էլ ցանկանայ տեսնել իւր երեխաներին մաքուր նոր շորեր հագած . . .

Տնօրհնէքը, մանաւանդ ծննդեան տնօրհնէքը այն միակ փրկարար օժանդակութիւնն է, որ ձմեռային խստաշունչ օրերին գալիս է փոքր ի շատէ գոյն տալու նրա տօնական ազբատիկ սեղանին և մանաւանդ սառնամանիքից ազատելու նրա ընտանիքը: Մենք գիտենք տիրացուններ, որոնց մանրիկ երեխաները մինչև այդ ցանկալի տօնի հասնելը, եղել են դէպքեր, երբ վերմակների մէջ են

փաթաթուած անցկացրել ամբողջ օրեր ու շաբաթներ: Հասել է տնօրհնէքը և նրանց խղճուկ ու անշուք բնակարանը վերջի վերջոյ կրակի ջերմութիւն է զգացել, վառարանը, վերջապէս, փայտի երես է տեսել...

Անմտութիւն է միանգամայն սպասել, որ քահանան այդպիսի նեղ բօպէներում նիւթապէս օգնութեան հասնէ իւր տիրացուին, մի բօպէ մտածէ ամօքել նրա ընտանեկան աննախանձելի և թշուառ կացութիւնը: Եթէ այդ մարդը հանգիստ խղճով զրկուած է իւր այդ ստորագրեալին, ամեն քայլափոխում աշխատում կրճատել նշա վարձատրութիւնը և ստացածն էլ ամիսներով, շաբաթներով շատ անգամ պահելուց յետոյ միայն տալիս նրան—անկարելի է այդ բոլորը տեսնելուց յետոյ որոնել նրա մէջ այն՝ ինչ որ կոչուած է գութ, մարդասիրութիւն, կարեկցութիւն: Կայ մի այլ աւետարան նրա համար, որ կատարեալ հակակշիռն է կազմում այն սրբազան գրքին, որի վեհ սկզբունքների քարոզիչն ու տարածողն է նա կոչուած լինելու...

Հարց է արդեօք այդ բոլոր կարիքներին կարող է բաւականութիւն տալ տնօրհնէքներից և դերեզմանօրհնէքներից ստացած եկամուտը:—Պիտաբանումենք հաւատալ:

Մի քանի խօսք էլ շտատ կազմելու մասին:

Որև է եկեղեցու վրայ շտատ կազմել, այդ նշանակում է նոյն եկեղեցու ապագայ քահանան լինել, հովուել նրա ծխերի մի որոշ մասը՝ ձեռնադրուելով այս կամ այն վախճանուած միաբանի փոխարէն և կամ «օգնական» կոչմամբ իբրև պաշտօնակատար այն միաբանի, որ ծերութեան կամ տկարութեան պատճառով անկարող է լինում վարել իւր հոգևոր պարտականութիւնները: Եթէ ներկայումս դպրոցաւարտ և հարկաւոր պատրաստականութիւնն ունեցող անհատի համար տիրացուական ոգորմելի պաշտօնը մինչև անգամ ձեռք բերելը այնքան դժուարութիւնների հետ է կապուած, հեշտ է երեւակայել, թէ որպիսի արգելքների և խոչընդոտների դէմ հարկաւոր է մաքառել շտատ կազմելու համար: Գորա համար անհրաժեշտ է ձեռք բերել նոյն եկեղեցու ծխականների համաձայնութիւնը. բայց նախ քան այդ՝ կարելու է ստանալ նորա հոգևոր միաբանութեան հաճութիւնը: Եւ որովհետև այդ վերջինի հաճութիւնը առանց յայտնի կօմբինացի աների անկարելի է երևակայել, այդ պատճառով և միամտութիւն կ'լինի որ և է

յաջող ելք սպասել: Նա, որ քահանայացել է, չենք կարծում, թէ իւր դործի ընթացքում անբախտութիւն ունեցած չ'լինի ընդհարուել նման կօմբինացիաների հետ և այն էլ՝ անշուշտ մի քանի անգամ.... Այդ կօմբինացիաների էութիւնը ընթերցողին բացատրելու համար առաջ կ'բերենք կատարւած ընթացքի իրական փաստերից մէկը:—Քաղաքիս քահանաներից մէկին դիմում է մի պարօն՝ տեղեկանալու, թէ ինչ պայմաններով ցանկացողը կարող է յոյս ունենալ ձեռնադրուել նրա ծխերի վրայ: Տէ այրը առանց երկար ու բարակ մտածելու պահանջում է դորա համար երկու հազար ռ. կանխիկ գրամ դործի հէնց սկզբում և այնուհետև էլ մինչև իւր վաճը յիսնական ռ. ամսական: Սակարկութիւնը սակայն ոչ մի հետևանքի չի հասցնում և արժանապ. հոգեւորականը ոչ մի կերպով չի համաձայնում իւր ասածից կողմէ անգամ զիջել, աւելացնելով հանդերձ, որ այդ գինը իրան արդէն տուողներ շատ կան: Պարօնի հարցին՝ թէ գուցէ մինչև նրա մեռնելը ոչ մի առնող չ'կարողանայ միանուագ այդ գումարը վճարել և այնպէս էլ նա զրկուած մնայ իւր օգուտից: «Սա ընդունված սովորութիւն է մեզա-

նում և ես բոլորովին չեմ կարծում, թէ երբ և իցէ իմ տեղս առնող չ'լինի և մեռնելուցս յետոյ թափուր մնայ....»,—պատասխանում է տէր հայրը:

Ահա թէ որպիսի հրէշաւոր կարգեր են ծնունդ առել մեր քահանայական դասի մէջ, կարգեր, որ զզուանք միայն կարող էին պատճառել այն ազնիւ ու պատուասէր անհատներին, որոնք եթէ մի օր գաղափարից դրդուած ցանկանային մտնել հոգևոր պաշտօնի մէջ:

Պա մի խայտառակ առևտուր է, որ շարունակ հեռու է պահել մայրենի եկեղեցին գիտակից ու պարտաճանաչ տարրերից և միև կողմից զանազան սինլըորների և ապիրատ մարդկանց համար ուղի հարթել դէպի այդ սրբազան հաստատութիւնը: Եւ բաւական չէ, որ այդ պարաղիտները ժողովրդին ոչինչ չ'տալով հանդերձ, ապրում են նրա հաշուով ապաւինած իրենց ակնածելի կոշմանը, դեռ իրաւունք էլ են համարում անկարութեան շրջանը մտնելուց առաջ կենսաթոշակներ ապահովել իրենց համար, յաջորդներ ընտրել և հրաւիրել և այն էլ հարիւրների, հազարների գնով: Մենք դեռ չենք

խօսում նրանց ծիծաղաշարժ յօրեկեաններէ մասին . . .

Յայտնի են արդեօք մեր հոգևոր իշխանութեանը այս մութ առեղծուածները, այս անդոսներէ առևտուրը: Արդեօք նրա համար ևս վարագուրված են իւր ստորագրեալներն այս նողկալի արարքները, որպէս հասարակութեան համար, որ մի դատապարտելի անտարբերութեամբ գրիչ է վերցնում և նրանց համախօսական թերթերի մէջ ստորագրութեամբ հաստատում իւր համաձայնութիւնը: Ի՞նչ անուն արդեօք հարկաւոր է տալ այն հանգամանքին, երբ իշխանութիւն և ժողովրդի ազատ ընտրողական սկզբունք գոյութիւն ունենալով հանդերձ, եկեղեցու սրբազան պաշտօնէութիւնը իրապէս վաճառքի է հանում, մի անպատիւ սակարկութեան առարկայ է դառնում

Դեռ ե. դարում մեր խորնեցի ծերունազարդ քերթողահայրը իւր անմեռ ողբի մէջ գրում էր. «Վարդապետք ախմարք և ընդ ինքնահաճք, անձամբ առեալ պատիւ և ոչ յԱստուծոյ կոչեցեալ, արծաթով ընտրեալք և ոչ հոգևով, ոսկեսէրք, նախաձոտք, թողեալ զհեզութիւն, յորում Աստուած ընակէ, և գայլք եղեալ՝ զիւրեանց հօտս գիշատելով»:

«Կրօնաւորք կեղծաւորք, անձնացոյցք, անափառք, պատուասէրք քան թէ աստուածասէրք»:

« . . . Ժողովրդականք վէսք . . . մեծախօսք, անվաստակք, այրեցողք, վնասակարք, փախչողք ի ժառանգութենէ . . . »

Դա նրա ժամանակակից հայ աշխարհի ճշմարտապատում նկարագիրն էր, նրա հարազատ և անաղարտ պատկերը: Տասնուհինգերկար ու ձիգ դարեր են դրոյուել այդ օրից, սերունդների մի անձայր շղթայ է եկել ու անցել՝ և դեռ այդ պատկերը մեզ համար պահպանել է իւր թարմութիւնը, իւր անփոփոխ դրութիւնը: Հազար հինգ հարիւր տարուայ կեանքի ալիքները անզօր են գըտնըւել իրենց յեղափոխիչ ուժով ազդել նրա վրայ

IV.

Բարոյապէս ճնշուած և նիւթականապէս զրկուած ու հարստահարուած—ահա հայ եկեղեցու ստորին պաշտօնեաների ընդհանուր դրութիւնը: Մի ամբողջ դասակարգ մատնուած է ժողովրդի արհամարհանքին, մատնուած հոգևոր իշխանութեան անօրինակ

անտարբերութեանը: Բայց այդ դասակարգը մի բով է, որ ուրբան էլ փորձելու լինենք հերքել, շրել նրա նշանակութիւնը՝ այնու ամենայնիւ նա իւր ուրոշ և, եթէ չենք սխալուում, նոյն իսկ ազդեցիկ դերն ունի մեր հասարակական կեանքի մէջ:—Այդ բովի մէջ է մեծանում, նրա նուիրագործուած տրագիցիաներով զարգանում մի սերունդ, որ հայ ժողովրդին տալիս է հոգևոր հովիւներ — քահանաներ: Բովի որպիսութեան հետ, բնականաբար, պայմանաւորուած է լինում և՛ ժողովրդի այդ անմիջական հոգևոր ուսուցիչներն — առաջնորդների ամբողջ աշխարհահայեացքը, նրանց հասկացողութիւնները, մտաւոր-բարոյական մակերևոյթը և այլն.... Առդ, սպասաւորական մարմնի ներկայ կազմը, նրա կեանքը, դրութիւնը, շրջապատող պայմանները ի նկատի ունենալով՝ դժուար չէ եզրակացնել, թէ ուրբան կարող են այդ բովի միջից ելած հոգևոր առաջնորդները արդարացնել ժողովրդի յոյսերը, բաւականութիւն տալ նրա գիտակից տարրերի պահանջներին.... մանաւանդ ներկայ պատմական ծանր ժամանակաշրջանում:

Անհրաժեշտ է մաքրել այդ կազմը, բարձրացնել նրա մտաւոր—բարոյական վիճակը

և այնու հանդերձ մտածել նրա տնտեսական անմիջիժար դրութեան մասին: Եւ եթէ մեր հոգևոր բարձրագոյն իշխանութեան համար թանկ են հայ ժողովրդի շահերը, թանկ հայ եկեղեցու նշանակութիւնը՝ դոնէ այժմ նա պիտի սթափուի իւր աղէտաբեր քնից և որ առաջ հոգ տանէ բաւարարութիւն տալ այդ անյետաձգելի կարիքներին:

Ժամանակն անգին է և, որ գլխաւորն է, նա սպասել չգիտէ:

Վ Ե Ր Զ



~~68~~
22

ԳԻՆՆ Է 20 ԿՈՊ.

22

